

আখিরাত

মৃত্যুর পর যে দিবসে মানুষের হিসাব নিকাশ নেয়া হবে এবং তাঁদের কর্মের প্রতিদান দেয়া হবে তাকে আখিরাত বা শেষ দিবস বলা হয়। দুনিয়ার জীবনে যারা কুরআন ও সহীহ হাদীসের আলোকে জীবন পরিচালনা করবে তাঁদের জন্য রয়েছে সুখের শান্তিময় স্থান “জান্নাত”।

আল্লাহ্ তা‘আল বলেনঃ

وَمَنْ يُطِيعِ اللَّهَ وَرَسُولَهُ يُدْخِلْهُ جَنَّاتٍ تَجْرِي مِنْ تَحْتِهَا الْأَنْهَارُ خَالِدِينَ فِيهَا وَذَٰلِكَ الْفَوْزُ الْعَظِيمُ

“যে ব্যক্তি আল্লাহ্ এবং তাঁর রাসূলের আনুগত্য করবে তিনি তাকে এমন জান্নাতে প্রবেশ করাবেন যার তলদেশ দিয়ে প্রবাহিত হয় নহরসমূহ, সেখানে তাঁরা সর্বদা অবস্থান করবে, আর এটাই হল মহা সাফল্য”। (সূরা আন নিসা-১৩)

আর যারা কুরআন ও সহীহ হাদীসের আলোকে জীবন গড়বে না। তাঁদের জন্য রয়েছে শাস্তির স্থান জাহান্নাম।

আল্লাহ্ তা‘আলা বলেনঃ

وَمَنْ يَعْصِ اللَّهَ وَرَسُولَهُ وَيَتَعَدَّ حُدُودَهُ يُدْخِلْهُ نَارًا خَالِدًا فِيهَا وَلَهُ عَذَابٌ مُهِينٌ

“আর যে ব্যক্তি আল্লাহ্ ও তাঁর রাসূলে অমান্য করবে এবং তাঁর নির্দিষ্ট সীমাসমূহ লঙ্ঘন করবে তাকে তিনি জাহান্নামে নিক্ষেপ করবেন, যেখানে সে সর্বদা অবস্থান করবে এবং তাঁর জন্য রয়েছে লাঞ্ছনাদায়ক শাস্তি”। (সূরা আন নিসা-১৪)